



Albertus patre Cazimiro Marchione Brandenburgense, matre uero Susanna ducissa Bauariæ natus est, anno 1522. Cum eius pater ipso adhuc puero existente 1527 moreret, Georgius patruus eius tutelâ suscepit, atq; Albertum honeste & libera liter educauit. Erat Albertus multis animi et corporis uirtutibus imbutus. In primis uero armorū studie secutus, à teneris annis sese luctando et equitando exercuit, atq; tādem Georgio tutorē permittente paternam hereditatem adiit. Has uirtutes cum Cæsar Carolus in adolescēte perspiceret, ipsum ante alios amauit, & cum eo humanissimè aliquoties de rebus contulit. Bello etiam Gallico anno 1544 eum in suis castris secum cum 1000 equitibus habuit, eius uirtutem plurimum admiratus. Postea etiam cum bellum Germanicum exoriretur, anno 1546 ipsum Albertum equitatum Germanicum pro se conscribere iussit. Id quod Albertus gnauiter peregit, præsertim cum Cæsar affirmaret, bellum illud non religionis, sed rebellionis causa suscepit, atq; Iohannes Marchio electoris frater & suus patruelis sese quoq; Cæsari coniunxisset. In eo bello anno ætatis 24 suam fortitudinem declarauit, atq; res sibi commissas fortiter expediuit. Itaq; eius bellī laus, quæ Cæsarem secuta fuit, nō parum quoq; ad Albertum redundare constat. Postea cum elector Iohannes Fridericus domum rediisset, atq; in Saxonia ferè uictor esset, ita ut Mauritius dux Cæsarem de auxilio solicitaret, Carolus hunc Albertum in Ianuario anno 1547 præmisit, atq; 1500 equites & 10 signa peditum adiunxit. Id cum elector cognouisset, magnis uiribus hunc super primere conatus est. Itaq; Rochliciæ à prima luce ad meridiem usq; pugnatū, atq; Albertus multitudine superatus, & captus fuit. Verū altero statim mense, cum Elector à Cæsare caperetur, Albertus liberatus, & omnia ablata cum fœnore restituta fuerunt. Hanc eius operam Cæsar intelligens, ipsum plurimum amauit, & in comitijs in magno loco habuit. Cum etiam Magdenburgenses decreto Imperij de religione facto minus propter conscientiam parere uellent, atq; bellum contra eos suscepit esset, Albertus in gratiam Cæsaris cum Mauritio Saxone in obsidione fuit, atq; ciuibus multa damna intulit, anno 1550.